

Morning Dogri (NSD) National News Bulletin 16-08-2024

आकाशवाणी

- भारती अंतरिक्ष अनुसंधान संगठन-इसरो एसएसएलवी-डी 3 परां धरतै दा निगरानी उपग्रह ईओएस-08 दा प्रक्षेपण करोग।
- कोलकाता च इक प्रशिक्षु महिला डाक्टर दी निर्मम हत्या दे विरोधै च भारती मैडिकल संघ नै 24एं घैंटे दी राष्ट्रव्यापी हड़ताल दी घोषणा कीती ऐ।
- उपराष्ट्रपति जगदीप धनखड़ होर अज्ज तेलंगाना ते आंध्रप्रदेश दे दौरे पर जांगन।
- कृषि मंत्री शिवराज सिंह चौहान होरें राष्ट्रीय कीटनाशक निगरानी सरिस्ता दा कीता उद्घाटन।
- कृतज्ञ राष्ट्र अज्ज साबका प्रधानमंत्री ते भारत रत्न अटल बिहारी वाजपेयी हुंदी पुण्यतिथि पर उनेंगी श्रद्धांजलि अर्पित करा'रदा ऐ।

<><><><><><>

ISRO

भारतीय अंतरिक्ष अनुसंधान संगठन-इसरो अज्ज अर्थ ओबसरवेशन सैटेलाइट एसएसएलवी-3 प्रक्षेपित करोग। एह डोआरी अज्ज बडलै 9 बज्जियै 17 मिंटे उपपर सतीश धवन अंतरिक्ष केन्द्र श्रीहरिकोटा थमां होग। इस प्रक्षेपण राएं एसएसएलवी विकास परियोजना दा विकास कम्म पूरा होई जाग ते भारतीय उद्योग ते एनएसआईएल दे मिशन संचालित होई सकगंन। एह प्रक्षेपण यान 10 थमां 500 किलो दे लौहके, दरम्याने ते भलेआं लौहके उपग्रहें दा प्रक्षेपण करने दी समर्थ रखदा ऐ।

<><><><><><>

IMA-Strike

भारती मैडिकल संघ आईएमए नै कोलकाता च सरकार आस्सेआ चलाए जा'रदे आर.जी.कार मैडिकल कालेज ते अस्पतालै च इक प्रशिक्षु महिला डाक्टर दे कथित तौर पर ब्लातकार ते मगरा हत्या दे विरोधै च अज्ज बडलै 6 बजे थमां 24एं घैंटे लेई गैर अपात सेवाएं गी राष्ट्रव्शी तौर पर बंद रखने दा फैसला कीता ऐ। संघ नै अपने इक ब्यान च आखेआ जे आउट पेशेंट विभाग कम्म नेई करगन ते ऑपरेशन नेई कीते जांगन। उआं जरूरी सेवां चल दियां रौंहगन ते अपात सेवा वार्डा कम्म करदियां रौंहगन।

<><><><><><>

BJP Kolkata

भारती जनता पार्टी दे महिला मोर्चा सीगे आस्सेआ अज्ज कोलकाता च होए दे खौफनाक हादसे दे विरोधें च इक मौन कैंडल मार्च कड्डेआ जाग। राष्ट्रीय अध्यक्ष वनती श्रीनिवासन हुंदी अगुवाई च अज्ज संजा 6 बजे आर.जी.कार मैडिकल कालेज ते अस्पताल दे बाहर इस मार्च दा सरिस्ता कीता जाग। बीजेपी दे राज्यसभा सांसद दर्शन सिंह, संगीता यादव, गीता शाक्य, इंदु बाला गोस्वामी जनेह् राष्ट्रीय पदाधिकारी, ते पच्छिम बंगाल दियां प्रभारी पूजा कपिल मिश्रा बी मार्च च हिस्सा लैंगन। बीजेपी दी राज्य इकाई नै बी बंगाल च सब्बने सार्वजनिक इदारे च दऊं घैंटे लेई कम्म'रोको हड़ताल दा आह्वान कीता ऐ ते दपैहरी मगरा 2 बजे शा सब्बने जिलें च सड़कें पर ढक्के लाने दा आह्वान कीता ऐ।

<><><><><><>

Vice President

उपराष्ट्रपति जगदीप धनखड़ होर अज्ज थमां तेलंगाना ते आंध्रप्रदेश दे दऊं दिनें दे दौरे उप्पर होंगन। धनखड़ होर अज्ज हैदराबाद च कान्हा शांति वनम दा दौरा करगन। कल ओह आंध्रप्रदेश दे नेल्लार च अक्षरा विद्यालय परिसर ते कौशल विकास केन्द्र, स्वर्ग भारत ट्रस्ट ते मुप्पावरपु फाउंडेशन दा दौरा लांगन। उपराष्ट्रपति होर आंध्रप्रदेश दे वेनकट चलम च स्वर्ण भारतीय ट्रस्ट दी 23मीं ब'रेगंड समारोह दी बी प्रधानता करगन।

<><><><><><>

Shivraj Singh

राई—बाई मंत्री शिवराज सिंह चौहान होरें नमीं दिल्ली च राष्ट्रीय कीट निगरानी प्रणाली दा उद्घाटन कीता। उनें गलाया जे एहदे राएं करसान बक्ख—बक्ख किस्म दे कीटनाशक बारे जानकारी हासल करी सकगंन ते उंदे हानिकारक प्रभाह् थमां फसलें गी बचाई सकगंन। इस मौके पर केन्द्री मंत्री होरें उनें करसानें कन्नै बी मलाटी कीती जेह्दे केन्द्र प्रायोजित बक्ख—बक्ख स्कीमें थमां लाह् ठोआ'रदे न। इस कार्यक्रम च तकरीबन 500 करसान मजूद हे।

<><><><><><>

Atal

देश अज्ज साबका प्रधानमंत्री ते भारत रत्न अटल बिहारी वाजपेयी हुंदा पुण्यतिथि उप्पर उनेंगी भाव भरोची श्रद्धांजलि अर्पित करा'रदा ऐ। अज्ज नमीं दिल्ली च अटल बिहारी वाजपेयी हुंदी समाधि सदैव अटल उप्पर इक प्रार्थना सभा दा बी आयोजन कीता गेदा ऐ। राष्ट्रपति द्रौपदी मुर्मू, उपराष्ट्रपति जगदीप धनखड़, प्रधानमंत्री नरेन्द्र मोदी होरें अज्ज बडलै साबका प्रधानमंत्री वाजपेयी हुंदी समाधि सदैव अटल जाइयै पुष्पांजलि अर्पित कीती। रक्षा मंत्री राजनाथ सिंह, राज्यसभा दे उप—प्रधान हरिवंश, लोकसभा दे स्पीकर ओम बिरला ते होर दुए लीडरें बी श्रद्धा—सुमन अर्पित कीते।

<><><><><><>

Sweden

विश्व स्वास्थ्य संगठन WHO आस्सेआ संक्रमण गी वैश्विक सार्वजनिक स्वास्थ्य आपातकाल घोषत करने दे इक दिन मगरा कल स्वीडन नै अपना पैह्ला एमपोक्स मामला दर्ज कीता। एहदे कन्नै स्वीडन अफ्रीकी महाद्वीप दे बाहर एमपोक्स वायरस दे मते संक्रामक तनाह् दी रिपोर्ट करने आला पैह्ला मुख्य बनी गेआ ऐ। एह् मन्नेआ जा'रदा ऐ जे मरीज अफ्रीका दे इक ऐसे क्षेत्र दी यात्रा दरान इक वायरस दी चपेट च आया हा, जित्थें वर्तमान च एमपोक्स क्लैड—1 दा बड़ा प्रकोप हा।

<><><><><><>

Google-AI

तकनीकी दिग्गज गूगल नै कल भारत समेत 6एं नमें मुख्यें च अपने “आर्टिफिशल संक्षिप्त विवरण” आनने दी घोषणा कीती। भारत च कंपनी हिंदी ते अंग्रेजी च AI Overviews देग ते मुख्य पैह्ले आले लोकप्रिय नुक्ते हासल करोग, जिनें गी पैह्ले बी अनुसंधान लैब अभ्यासें दरान पसिंद कीता गेआ हा। 6 नमें मुख्य न, भारत, बरतानिया, जापान, इंडोनेशिया, मैक्सिको ते ब्राजील। भारत च उपभोक्ता AI Overviews सब्बने शा मते सुने जंदे न।

<><><><><><>

Missile Scientist

मन्ने परमन्ने दे मिसाईल साईंसदान डॉ. राम नारायण अग्रवाल हुंदा कल काल होई गेआ। रक्षा अनुसंधान ते विकास संगठन नै डॉ. अग्रवाल हुंदी मृत्यु पर बसोस प्रगट करदे होई उनेंगी उत्कृष्ट एरोस्पेस साईंसदान दस्सेआ। पद्मश्री ते पद्मभूषण कन्नै सम्मानत डॉ. अग्रवाल हुंदा भारत दी लम्मी दूरी तगर मार करने आले मिसाईलें अग्नि दे विकास च अहम योगदान रेहदा ऐ। अपनी इक सोशल मीडिया पोस्ट च डीआरडीओ नै दस्सेआ जे डॉ. अग्रवाल होरें दऊं दहाकें तगर मुख्य दे महत्त्व आले अग्नि मिसाईल प्रोग्राम दी अगुवाई कीती दी ऐ।

<><><><><><>

Global

भारत कल त्रीए वाईस ऑफ ग्लोबल साउथ शिखर सम्मेलन दी मेजबानी करोग। शिखर सम्मेलन दा विषय ऐ “सतत वैश्विक दक्खन”। विदेश मंत्रालय नै गलाया जे एह संघर्ष खाद्य ते ऊर्जा संकट ते जलवायु परिवर्तन जनेई दुनिया गी प्रभावत करने आली बड़ी औक्खी चुनौतिएं उप्पर पिछले बरें होए दे शिखर सम्मेलन च होई दी चर्चाएं दा विस्तार करने लेई इक मंच दे रूपै च कम्म करोग। शिखर सम्मेलन च ग्लोबल दक्खन दे मुख्य एहदे लेई विकासात्मक क्षेत्र च चुनौतिएं, प्राथमिकताएं ते एहदे हल बारे बचार बमर्श जारी रखोग।

<><><><><><>

President

राष्ट्रपति द्रौपदी मुर्मू होरें जंदी रातीं स्वतंत्रता दिवस दे मौके उप्पर राष्ट्रपति भवन च रातीं आली रूट्टी दा आयोजन कीता। उपराष्ट्रपति जगदीप धनखड़, प्रधानमंत्री नरेन्द्र मोदी, साबका राष्ट्रपति रामनाथ कोविंद, लोक सभा स्पीकर ओम बिरला, केन्द्री रक्षा मंत्री राजनाथ सिंह, विदेश मंत्री डॉ.एस.जयशंकर ते होर दुए केन्द्री मंत्रिएं सनें मुख्ख न्यायधीश डी.वाई. चन्द्रचूड़ होर बी इस मौके पर उत्थें मजूद हे।

<><><><><><>

PM-Olympics

प्रधानमंत्री नरेन्द्र मोदी होरें गलाया ऐ जे पैरिस ओलंपिक्स च हिस्सा लैने आला हर इक खडारी चैंपियन ऐ। उनें इस गल्ला उप्पर जोर दित्ता जे सरकार खेड्ड गी समर्थन दिंदी रौह्ग ते एह जकीनी बनाग जे देश च उच्च-गुणवत्ता दी खेड्ड सुविधाएं दा निर्माण होई सकै। प्रधानमंत्री होरें नमीं दिल्ली च अपने आवास च पैरिस ओलंपिक्स दे भारतीय दल कन्नै मलाटी कीती ते लगातार दो ओलंपिक्स च कैह् दा तगमा जित्तने आली मर्दे दी हॉकी टीम नै प्रधानमंत्री होरें गी हॉकी-स्टिक भेंट कीती जेह्दे उप्पर सब्बने खडारिएं दे दस्तखत हे।

<><><><><><>